

CORONA

DIGNITATIS

SENECTUS

In Vitis Justitiæ

REPERTA.

BIBLIOTH. UNIV.



UNIVERSITATIS JYVÄSKYLÆ

\*Pro  
16 v.

Pet. Illustrem & Admodum Reverendum Dominum

D. ADALBERTUM

BILENSKI

Foraneum Zyveccensem DECANUM, Ecclesiæ Parochi-  
alis in Łodygowice CURATUM.

CONCERNENS,

Qui cum

Post Quinquagesimum Regalis Sacerdotii Annum,

Secundas Sacrosancti Altaris Sacrificii in Ec-  
clesia Parochiali Łodygowicensi Primitias  
celebraret

a

17110 I

M. FRANCISCO TOMECKI

in Alma Universitate Crac: philosophiæ DOCTORE Po-  
eseos in septimum Annum PROFESSORE, Contubernii  
Starnigelliani SENIORE, S. R. Majestatis SECRETARIO,

Luci publicæ

PRÆSENTATA.

Annò quò.

Magna Deo ConCessa saLVs Vernabat In Ipso  
Mense Februario.

GRACOVIAE Typis semina: Episcop: Academico-Diœcesani,

m. d. cc lvv 11





A D

Perillustrē & Admodūm Reverendū Dominū.

D. JOANNEM NEPOMUCENUM

K L E C Z Y N S K I

Utriusq; Juris DOCTOREM, Ecclesiarum: Collegiat<sup>as</sup>  
Tarnoviensis DECANUM, Parochialium: Sancti Spiri-  
tūs Becensem PRÆPOSITUM, in Kobylanka CURA-  
TUM, Dignissimi NEOMYSTÆ ex Sorore NEPOTEM.

DEDICATORIA PRÆLOCUTIO

**O** Pella, quam perpetuæ gratitudinis ergo in Vetera-  
num NEOMYSTAM conscripsi, Tibi ali-  
quo jure debetur. Perillustris & Adm Rñde Do-  
mine Benefactorum Optime. Si enim rationem  
præteriti, & quod vivimus, expendas, tem-  
poris, diffiteri non poteris, Te in vita conspicuum, in honori-  
bus illustrem, in recte gestis commendabilē, sub auspiciis incla-  
ruisse SENECTIONIS Dignissimi. Illius quippe gravis aucto-  
ritas, Religio, pietas, sanctimonia, jure quodam hereditario ad  
Te devolvi videntur. Tua verò singularis industria, solers in-  
genium, salubre in peragendis negotiis consilium nedum me al-  
licere, sed impellere quoq; ad Tui venerationem censetur. Quem-  
admodum palmam non erigi inusitatū, ita Virum qui doctrinæ  
splendore præstat, eruditione antecellit, ad famæ sublimem gra-  
dum non evehi, insolitum & incredibile existimatur esse. Si verò  
intima propensæ meæ in Te voluntatis desideria profundius  
respicias, multarum gratiarum me habes debitorem. Quousq;  
nimirum ego in Tuo patrocinio sum constitutus, non potero Tibi

vita



U. vita meæ promptiores testes proferre, quàm aliquantos labores  
meos: in quibus non tantum ingenium, quod quidem sentio quàm  
sit exiguum, aut præstantiam literarum, à quibus ego confiteor  
me nunquam abhorruisse, sed grati animi, specimen intueri li-  
cebit. Quæ Tu me humanitate dignaris, beneficiis ornas, prote-  
ctione foves, amore complecteris, auctoritate tueris, pari grati  
animi significatione Tibi addidissimum me nosce clientem. Sed  
unde orsus, in eo sermonem meum finio: Opellam hanc Peril-  
lustris Domine venerando Nomini Tuo inscripsi, quam, nisi Tu,  
nisi Cognatus NEOMYSTÆ esses, vix sparsissem. Hanc ergo qua-  
lis illacunq; sit, in venerandam Dilectissimi Avunculi Tui sene-  
ctutem concinnatam suscipe, quam in conspectum Tuum adferens,  
Deum Ter Optimam Maximum supplex oro & obsecro, ut lon-  
gissimos in annos felix, salvus, superstes; Ecclesiæ Clientibus, A-  
miciis, vivas, vigeas, senescas: utq; omnes vitæ meæ rationes  
Tuo sub patrocinio tutissimè conquiescant.

ita precor

Author Operis

Beneficiorum gratiæ ad donantes revertuntur S. Basil. M.  
Major utilitas accedit beneficienti, quàm beneficium ac-  
cipienti. Joan. Chrys.

Non est dignus beneficium consequi, qui de acceptis be-  
neficiis gratias non agit, S. Thom. Aqu.

Gratitudo fortissimus & vigilantissimus est custos gratia-  
rum. Bæza.

Melliora meretur suscipere, qui collata bona de corde non  
probat amittere. Cassiod.

Non est dignus dandis, qui est ingratus de datis. S.  
August.



# CORONA

Dignitatis

SENECTUS

In Viis Justitiæ

REPERTA.

**M**ulta molesta Senē quatiunt incommoda multa;  
Accumulata quibûs nimis est deflebilis ætas.  
Nam post cū validis quassatum viribûs ævi  
Corpus, & obtuso ceciderunt robore membra:  
Deficit ingenium discordat linguaq; mensq;  
Omnia subsidunt, atq; uno tempore desunt.  
Jam tunc deterior canis aspergitur ætas,  
Inficit atq; nigros crines albata Senectus,  
Iam vigor & quasso langvent in corpore vires,  
Gaudia non possunt juveni pergrata, juvare,  
Nec, quem si subitō videat, cognoscere compos  
Et sic ætatis fit tanta ruina senilis.  
Jam minor auditus, gustus minor, ipsa minora,  
Lumina, vix tactus potis est cognoscere certa.  
Nullus dulcis odor, nulla est tam grata voluptas,  
Exhilarare suo quæ tristem possit in usu.  
Cogitur à gratis animum suspendere rebus  
Quisq; SENEX, cujus subeunt oblivia mentem.  
Si libros repetit duplex se litera findit,  
Largior occurrit jam pagina nota legenti.

Quæ



Quæ modò profuerat, contraria redditur esca,  
Fastidita jacet contemptaq; dulcis odore.  
Laudat præteritos præsentis despicit annos,  
Quod sapit, hoc rectum solū putat esse probumq;  
Hæ sunt primitiæ factorum, his partibus ætas  
Defluit, & pigris attingit passibus ima.

Ista senum seniiq; crisis non omnibus una,  
Absit ab impavido clarorum corde Virorum,  
Quos annis gravidos reddit provectior ætas, ve  
us  
mo  
na  
mo  
eff  
S.  
Non sic excubiæ, non circumstantia tela,  
Non ita robustus tutabitur ense satelles  
Res hominum proprias, ut prædita vita senectâ  
In commune bonum sanis rationibus acta.  
Ætas in senio vita immaculata vocatur \* \* S.

Virtutum serie sanctarum rite repleta.  
In nos nonne Senum mitis clementia regnat?  
Nonne favor placidi recreat nos pectoris amplius  
Comis amabilitas, facilis reverentia vultus,  
Ac delectus honor recta de fronte modestus,  
Eloquii gravitas in tempore: gratia lingvæ  
Plena, joci faciles, hilares vocesq; salesq;  
Ille juvandi ardor, studium sinè fraude merendi;  
Mensq; prius nocitura sibi, quàm cuiq; Clientum.  
Consilio devota manus, prudentia falli  
Nescia, simplicitas docilis non fallere quenquam  
Religio, pietas, recti tenor, ardor honesti,  
His inquam claret donis veneranda Senectus,

Vir-



Virtutum specimen, meritorū digna CORONA

Hac ætate Senex cū sacras rursus ad Aras,  
Post quinas ævi decades, sic Cælitus actas,  
Angelici Panis nivea sub nube latentem  
Mytha Patri Natum, Cælis plaudentibūs offers  
Quis neget emeritā Te sortitū esse CORONAM.

Talia capisti juvenis primordia vitæ,  
Annorum seriem propenso Numine ductam,  
Hactenus, ut plenam meritīs gestisq; probarent.  
Felix ingeniō rerum felicior usu,

Ingenua præstans ex indole mente capaci,  
Virtutum studiiq; tenax, de Fonte vetusto  
Haufisti Cracii Parnassi docta fluentia.

Jamq; graves sectata dies moresq; Catonis  
Pubescens ætas, Te magnis usibus aptum  
Est testata, diu nec distulit omina tanta;  
Pieridum sertis & Majestate decora,  
Sed longas memoris cudit sibi temporis horas.  
Arte nova, eloquiō Cyneas æquando disertos,  
Et turbam Vatum quæ Phæbo agitante calefcit  
Atq; Sophūm, per quos naturæ panditur usus.

Artibus humanis præhabens Cælestia dona,  
Illam, supremam cui fas attingere Numen,  
Quæ penetrat Divina sagax, ac inclyta laudem  
Augustumq; Dei ducit de Nomine Nomen,  
Quæ, neq; fas vidisse oculis, frustra: laborent,

Huma-



A  
as,  
ers  
M.  
ut.  
Humanæ superæq; animis sibi fingere mentes:  
Sola docet, quæ fusca Fides, probat ipsa suoq;  
Obscuris claram fundit de lumine lucem,  
Theologis propriam sapientiam ubiq; celebrem,  
Ut consummasti; Mystes post paulo futurus  
Totum Te curis animô Cælestibus inferis,  
Et sitiens Aras, ad Mystica totus anhelas  
Fercula, convivamq; Deum flammantib9 ardes  
Incensus stimulis, donec lux commoda venit,  
Responditq; Tuis de Cælo Gratia votis.  
Thus adolevisti Divis Altaria sacra  
Complexus, justus puroq; salutifer ore,  
Ausa nefanda mali, sævæ contagia labis  
Aspidibûs pejora docens, Tibi credita plebis  
Pectora complebas fructu virtutis honestæ.

Præstantes animi curas felicius urgens  
Delicio populi ne solûm posse videri.  
Censerere, datum virtutibûs ut mage tantis  
Principibus placuisse Viris omnino mereres.  
Sarmatici sublimè decus columenq; Trionis,  
Excedens pretium Lechææ gemma Coronæ,  
Libertatis honos, Patrii frons prima Senatûs,  
Celsus Avîs, Atavîs Magnis ab origine longa  
WARSZYCIUS. Reges OPALINIUS atq; Po-  
tentes  
Sanguine contingens, horû POTOCCIA Conjux,  
Primorum Regni decorum Pandora Receptrix:  
Inge-

Qu  
cup  
rab  
lo  
mu  
non  
me  
ri,  
sequ  
Ma  
llo



Ingenii dotes præstantes, atq; Tuarum  
Virtutum species mirati: pectore toto  
Ecclesiæ, cujus servato jure Patroni  
Sunt & erant, mox Te Rectorem rite dedere.

Ut Phæbus claro super æthere lumina spargit,  
Tunc melius vultum niveum cum celsius offert.  
Sic probitas cultusq; Dei fulgentius in Te  
Exarsit merita magni splendoris in auge;  
Ad quam Te soliô Virtus provexit eburno,  
Doctrina nitidâ manibus gestante Coronam;  
Et Charites placido votum de corde ferentes,  
Et cætus plebis voces super æthera spargens.  
Tanto cum plausu sacras es inactus in ædes  
Tecta Deum Pastore novo nituere recenti  
Tegmine, & assurgens Templi pia machina tandē  
Ivit in ornatas ædes, sumptuq; profuso  
Turpem squalorem deterisit, rudera texit;  
Cui nimium tenues impendis in omnia census  
Ornamenta Tuos, vicinorumq; Patronus  
Templorum. Per quæ nunquā Tua dogmata cessant,  
Queis ex exedris populum nutrire, piisq;  
Artibus implere est animus, certaq; salutis  
Commonstrare vias, exemplis atq; docere.

Fructus honoris onus Tibi posthac obtrahit  
ultro,

Cura Decanalibus multis peracerba laboris,  
M. Quod dextrè complex felici fidere munus.

Mul-



Multoties pennas volucres Tibi fervida Virtus,  
 Pernicemq; dedit loca per prærupta volatum,  
 Perq; situs varios, per tot distantia, totq;  
 Invia tramituum, fluviiisq; rapacibus hausta:  
 Dum vitam moresq; probos, actusq; recenses:  
 Templorumq; decus, Pastoralesq; sagaci  
 Mystrarum excubias oculô scrutaris & urges.  
 Lustra novem PAROCHUS peragens prope  
 trina DECANUS,

Illustras vitam virtutibus integer almîs,  
 Quæ decorant unum Te, plures porro bearent.  
 Hinc pietas, hinc alma fides, hinc nescia fuci  
 Relligio, vitæq; tenor sincerus, & æqui  
 In toto jam ductus amor, probitasq; pudorq;  
 Nascenti jurata cohors, fidusq; satelles.  
 Hinc solidi vis judicii matura, sagaxq;  
 Ingenii rerum causas intrantis acumen,  
 Canaq; primævi gliscens prudentia lustrî,  
 Nestoreæ laudem celebrant famamq; senectæ.  
 Hinc quibus incubuit mors ultima linea rerum,  
 Confratrum vitâ sociâ Tibi præstò faventûm  
 Eternæ punctum possent ut adire salutis  
 Ocyûs, his fueras post mortem fidus Achates.  
 Ampliûs in sensum nolo peccare modestum  
 Hic NEOMYSTA Tuum, cûm Tu laudanda  
 patrare,  
 Quàm collaudari cupias magis, indeq; mitto,

Ut

Com  
 bi su  
 tenat  
 tutes  
 unar  
 plur  
 re  
 S.A

E/  
 xii  
 ge  
 ra  
 pi  
 ex  
 n  
 la  
 C



Ut fovet infractus labor & Te non data multis  
Ætas vividior meritîs, vivacior annîs:  
Nescia labentis senii, cui vivere idem, quod  
Dulce fatigari, requies nescire quietem.  
Quod terram meritîs, cælum virtutibûs auges,  
Sæcula quod renovas, multis sacra gaudia pandis,  
Mitto: Cliens pro Te sed talia vota profundo:  
O Qui perpetua Mundum ratione gubernas  
Terrarum Cæliq; Sator, Qui tempus ab ævo  
Ire jubes, stabilisq; manens das cuncta moveri.  
Quem non externæ pepulerunt fingere causæ  
Materiæ fluitantis opus, verùm insita summi  
Forma boni, livore carens Tu cuncta superno  
Ducis ab exemplo: pulchrum pulcherrimus ipse  
Mūdū mente gerens, similiq; ab imagine formans,  
Perfectasq; jubens perfectum absolvere partes,  
In numeris elementa ligas, ut frigora flammis,  
Arida convenient liquidis, ne purior ignis  
Evolet, aut mersas deducant pondera terras:  
Qui collapsa novas, senio renovata resolvis  
Grandævum tūcare *Senem*, qui Virgine nati  
Quinquaginta annos nondum numerantis JESU  
Quinquaginta annîs Corpus Venerabile tractat.  
Ex sacris manibus NEOMYSTÆ dulce novūq;  
Delicium, lactans animas nectar, novus Infans  
Tanquam de thalamo sponsus procedit JESUS:  
Magne DEUS da quæso *SENI*renovare futuros  
Feli-



Felices annos, successus; ille superstes  
Altaris sancti repetens Mysteria sancta  
Tibi sacrificabit hostiam Lavdis.

*Psal. 115. v. 17.*

AD

## MAIOREM DEI GLORIAM

AD

Cultū sanctissimæ EUCHARISTIÆ post Quin-  
quaginta sacerdotii Annos à NEOMYSTA Con-  
secratæ Catholicus Pœta offert duo pura

Anagrammata,

ex hoc

## PROGRAMMATE

Hoc est enim Corpus meum. Hic est enim Calix  
Sanguinis mei novi & veteris Testamenti My-  
sterium Fidei. Qui pro vobis & pro multis ef-  
fundetur in remissionem peccatorum.

## ANAGRAMMA I.

Calvine non est rei figura. Luthere non est  
panis, est Corpus DEI Optimi Maximi effuse se-  
met ipsum mihi communicantis in cibum: nosce  
quo ritu & mysterio te reum redemit.

## EPIGRAMMA.

Lumine videte destituti gratiæ  
Fideiq; talpæ! vosq; cæcæ nocturæ!  
Calvine! sumitur quod in sacramento,\*  
Figura non est ulla Mysticæ rei.

\* See

Luthere non est panis est Corpus Dei,

Ut



Ut Optimi sic' Maximi effusè mihi  
Communicantis semetipsum sapius  
Animæ famem passæ salutarem in cibum,  
Pænæ reum quo te ritu & Mysteriò  
Redemit! homo fax fæda, nosce criminum.

## A N A G R A M M A II.

Ecce cor meum intus credit Christum Immen-  
sum & Omnipotentem sub utraque specie pa-  
nis & vini sumi realiter non in figura, ut malè  
sentis ferox, imo impie hostis Fidei.

## E P I G R A M M A.

Firmiter ecce meum cor intus credit, adorat  
Immensum Christum cum bonitate Deum.  
Et gestis Mundo præclaris Omnipotentem  
Sub specie panis Corpus habere sacrum.  
Et vini verum sub utraque realiter ore  
Sumi corde coli, sic docet alma Fides.  
Non in consistente figura quod malè sentis,  
Ut vis hostis iners, impie mente ferox:  
Imò contemptor Fidei sinè fronte, pudore,  
Error is ac scelus est siste timetò Deum.

